



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-412-3/26**
Datum: **20.08.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Heidelberg Materials Beton BiH“ d.o.o. Kakanj, PJ Rajlovac, za ispuštanje otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona, kapaciteta 110 m³/h, izgrađenog u naselju Rajlovac, općina Novi Grad Sarajevo, na osnovu člana 109. stav (1) tačka 2. i stav (2) tačka 1. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Heidelberg Materials Beton BiH“ d.o.o. Kakanj, PJ Rajlovac daje se vodna dozvola za ispuštanje otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona, kapaciteta 110 m³/h, izgrađenog na zemljištu označenom kao k.č. broj: 716/1, 716/2, 716/3, 716/4, 716/5 i 967/2 K.O. Rajlovac, općina Novi Grad Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod sljedećim uslovima:
 - 3.1. Da se aktivnosti na prostoru postrojenja za proizvodnju betona obavljaju u skladu sa uobičajenom praksom za ovu vrstu djelatnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, reviziona okna, separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.8. Da se istrošena ulja, nauljene krpe i sav opasni otpad, koji će nastati na prostoru postrojenja za spravljanje betona, redovno prikuplja i propisno privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine

- Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH", broj 92/07, 46/09, 79/11 i 88/12), te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, "Heidelberg Materials Beton BiH" d.o.o. Kakanj, PJ Rajlovac, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona, kapaciteta 110 m³/h, izgrađenog na zemljištu označenom kao k.č. broj: 716/1, 716/2, 716/3, 716/4, 716/5 i 967/2 K.O. Rajlovac, općina Novi Grad Sarajevo. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A Opšta dokumentacija:

- Rješenje o izmjenama podataka, broj:043-0-Reg-24-000624 od 12.06.2024. godine izdato od strane Općinskog suda u Zenici – ovjerena kopija,
- Uvjerjenje o registraciji/upisu u Jedinствeni registar obveznika indirektnih poreza, broj: 04/1-17-1-UPJR/1-1012-2/24 od 06.02.2024. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerjenje o registraciji poreznog obveznika od 20.02.2024. godine izdato od strane Kantonalnog poreznog ureda Zenica - ovjerena kopija,
- Izvještaj o monitoringu kvaliteta i kvantiteta otpadnih voda pogona za proizvodnju betona HM Beton BiH d.o.o. Kakanj-Podružnica Sarajevo, broj izvještaja:870/26, maj 2026. godine urađen od strane „Inspekt RGH" d.o.o. Sarajevo,
- Izvještaj o mjerenju koncentracije prašine-lebdećih čestica (PM10) i ukupnih lebdećih čestica na lokalitetu "HEILDELRBERG MATERIALS BETON BiH" d.o.o. Kakanj, Rajlovac, maj 2026. godine urađen od strane „Inspekt RGH" d.o.o. Sarajevo,
- Izvještaj o mjerenju imisije koncentracije taložnog praha na lokalitetu kamenoloma "HEILDELRBERG MATERIALS BETON BiH" d.o.o. Kakanj, Rajlovac, maj 2026. godine urađen od strane „Inspekt RGH" d.o.o. Sarajevo,
- Potvrda o preuzimanju EE otpada od 25.02.2026. godine od strane "Kemeko-BH" d.o.o. Lukavac – kopija,
- Operativni plan za incidentno zagađenje voda iz "Heidelberg Materials Beton BiH" d.o.o. Kakanj, PJ Rajlovac, oktobar 2025. godine,
- Radni nalog na terenu, broj:03-04-26 od 03.04.2026. godine izdat od strane "Delta petrol" d.o.o. Kakanj – kopija,
- Rješenje, broj:UPI/02-23-2-54/1 od 19.03.2008. godine izdato od strane Federalnog ministarstva prostornog uređenja – kopija,
- Rješenje, broj:UPI/03-23-2-34/08 od 16.06.2008. godine izdato od strane Federalnog ministarstva prostornog uređenja – kopija,
- Rješenje o vodnoj dozvoli, broj:UP-I/25-3-40-359-4/21 od 19.08.2021. godine izdato od strane Agencije za vodno područje rijeke Save, Sarajevo – kopija,

- Uplatnice po računima broj:260698192628, 26070892628, 260536192628 izdatim od strane KJKP "Rad" d.o.o. Sarajevo – kopije,
- Ugovor sklopljen sa TDS d.o.o. Sarajevo, broj:01-12/08-55/26 od 17.02.2026. godine – kopija,
- Ugovor sklopljen sa "Delta petrol" d.o.o. Kakanj, broj:01-01-SA/2026. od 23.01.2026. godine – kopija,
- Dokaz o uplaćenju federalnoj upravnoj taksi na zahtjev

B Tehnička dokumentacija:

- Glavni projekat snabdijevanja vodom, prikupljanja i ispuštanja otpadnih voda pogona betonske baze, urađen od strane „Higracon“ d.o.o. Sarajevo, decembar 2016. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona "Heidelberg Materials Beton BiH" d.o.o. Kakanj, PJ Rajlovac i tom prilikom sačinjen Zapisnik o izvršenom uviđaju broj:UP-1/21-3-40-412-2/26 od 19.08.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Osnovna djelatnost "Heidelberg Materials Beton BiH" d.o.o. Kakanj, PJ Rajlovac je proizvodnja, transport i ugradnja betona (hidrotehnički beton, beton sa propilenskim vlaknima, beton sa čeličnim vlaknima, beton sa uvučenim zrakom, beton za šipove, beton za mostove i tunele, kao i betoni otporni na mraz i so).
- Predmetni objekat priključen je na postojeću uličnu vodovodnu mrežu VA200P uz saglasnost KJKP „Vodovod i kanalizacija“ d.o.o. Sarajevo.
- Maksimalni teoretski kapacitet postrojenja je 110 m³/h betona, a stvarna proizvodnja betona varira zavisno od potreba tržišta. U sklopu pogona za proizvodnju betona nalaze se sljedeći sadržaji: administrativno upravni objekat, nadstrešnica za frakciju, otvoreni boksovi za frakciju, priručna servisna radionica sa nadstrešicom (uklonjena, a prostor se koristi kao skladište).
- Postrojenje za proizvodnju betona sastoji se od: dva vertikalna silosa, skladišta za kameni agregat (smješteni uz postrojenje), vaga za doziranje, mješalica, uređaj za reciklažu svježeg betona, taložnika cementne vode i agregata.
- Prečišćavanje tehnoloških voda vrši se na uređaju za reciklažu. Oborinska voda koja gravitira postrojenju sa kruga betonare slijeva se u bazen za reciklažu. U ovaj bazen za reciklažu odlazi i otpadna voda iz laboratorije (iz kade za potapanje ispitnih kocki). Mikseri i pumpe (unutrašnjost doboša miksera i klipova pumpe) se također peru na sistemu za reciklažu (ne vanjsko pranje, vanjsko pranje se obavlja u ovlaštenim firmama za pranje motornih vozila) tako da se može konstatovati da najveća količina otpadnih voda završava u sistemu za reciklažu i ponovo se vraća u proces proizvodnje, sistem recirkulacije.
- S obzirom da KJKP „Vodovod i kanalizacija“ d.o.o. Sarajevo nije dozvolio priključenje na kanalizacioni kolektor FB 800, investitor je na terenu izgradio sistem prikupljanja tehnoloških i oborinskih onečišćenih voda tako da se vode nakon taloženja tj. predtretmana preko separatora ulja i masti odvede do taložnog šahta TŠ4 i dalje do upojnog bunara kao recipijenta za prihvatanje ovih voda. Na terenu je izvedeno stanje u skladu sa projektnom dokumentacijom Glavni projekat snabdijevanja vodom, prikupljanja i ispuštanja otpadnih voda pogona betonske baze, urađen od strane „Higracon“ d.o.o. Sarajevo, decembar 2016. godine.
- U cilju smanjenja onečišćenja oborinskih voda zauljenim komponentama, sa dijela pogona betonare (gdje je izražena veća frekvencija vozila, ispred upravne zgrade i radnog platoa) izvršena je ugradnja separatora ulja, masti i lakih tečnosti. Separator je ugrađen na postojećoj liniji odvodnje, odnosno na mjestu postojećeg taložnog šahta TŠ3. Odmah nakon separatora izgrađeno je monitoring okno. Iz monitoring okna tretirana voda se odvodi u postojeći taložni šaht TŠ4. Izgrađen je odvodni cjevovod iz taložnog šahta TŠ4 Ø 400 mm u dužini oko 31,0 m i izvršena je izgradnja upojnog bunara uz južnu granicu obuhvata. Upojni bunar je izgrađen od punih perforiranih cijevi profila Ø 1000 mm, dubine 5,0 m.
- Ugrađeni separator ulja i masti sa koalescentnim filterom je kapaciteta Q=15,00 l/s, proizvođača AQUAREG NG 15+1500 SIP od armiranog poliestera, u skladu sa normama BAS EN 858 1-2, proizvođača „Regeneracija“ d.o.o. Velika Kladuša.
- Otpadni mulj iz taložnika i talog, masti i ulja iz separatora ulja i masti čisti se po potrebi, od strane firme ovlaštene za obavljanje ove djelatnosti sa kojom je potpisan ugovor (Delta petrol d.o.o. Kakanj).

- Komunalni miješani otpad se odlaže na gradsku sanitarnu deponiju u skladu sa ugovorom potpisanim sa KJKP „RAD“ d.o.o. Sarajevo.
- Ambalažni otpad (ambalaže od aditiva) prikuplja se i plasira trećim licima.
- Sav opasni otpad (ambalažni – zauljena ambalaža i krpe – baterije, akumulatori i sl.) prosljeđuje se Tvornici cementa Kakanj.
- Skladištenje nafte i naftnih derivata, ulja, maziva i sl. se ne vrši na predmetnoj lokaciji.
- Popravka i servisiranje miksera i dr. se ne vrši na predmetnoj lokaciji, nego po Ugovoru sa firmom TDS d.o.o. Sarajevo.
- Investitor je angažovao certificiranu laboratoriju „Inspekt RGH“ d.o.o. Sarajevo koja vrši monitoring otpadnih voda nakon tretmana. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente, u skladu sa odredbama Uredbe.

U prethodnom periodu, od izdavanja rješenja o vodnoj dozvoli 19.08.2021. godine, pravno lice nije vršilo dogradnju i/ili izmjenu sistema prikupljanja, transporta i/ili tretmana i/ili ispuštanja voda.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Heilderberg Materials Beton“ d.o.o. Kakanj, PJ Rajlovac ispunio minimum uslova za izdavanje vodne dozvole za ispuštanje otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona, kapaciteta 110 m³/h, izgrađenog na zemljištu označenom kao k.č. broj: 716/1, 716/2, 716/3, 716/4, 716/5 i 967/2 K.O. Rajlovac, općina Novi Grad Sarajevo, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja rješenja.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- HM Beton BiH d.o.o. Kakanj
- Selima ef. Merdanovića 146, 72240 Kakanj, (sa prilogom),
- Ⓢ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava

Preuzeto lično
21.08.2026.
Jusuž Šehmehmedović
